

網以補數下工及半忽汞走如焚茅葢皆燬萬三深嘆福薄祖
師亦勸其勿爲夫婦毫無怨意苦留再煉貲財已匱議鬻幼女
祖師若爲不知竊喜其志堅一任所爲令備朱裏之汞招其夫
婦至前出藥少許指甲挑微芒乘汞熱投下立凝如土復以死
汞點銅鐵悉成黃白相接長生祖師遂畧收丹頭臨行囑曰東
南王氣大盛當晤子於西南也遂入巴中萬三以之起立家業
安爐大煉不一載富甲天下凡遇貧乏患難廣爲周給商賈貧
其貲以貿易者直遍海內世謂其得聚寶盆故財源特沛斯時
世亂兵荒萬三懼有禍乃毀丹爐器皿自號三山道士至今南
京城西南街卽其遷處會同館卽其故居後湖中地卽其花園
舊址也

道藏輯要

三丰全集

顯蹟

一

續畢集七

仙鑑評外丹成爲內丹之助然真道難聞千舉萬敗人每以
三丰爲口實至受誑不悟當思已有萬山福量乃可遇之苟
或不然願且置是

寓金臺觀

元至正丙午年寶雞金臺觀有道翁者貌若百餘歲忽於九月
二十七日自言辭世留頌而逝士民楊軌山置棺殮訖臨窆柩
有聲如雷發之復生躍起謂軌山曰吾張三丰也天師後裔幼
好學道今吾大丹已成神游天海吾子善人也難得難得遂教
以避世延年之術尋攜軌山同去

圓通子曰世人盡如軌山則路無暴骨矣如此方便人仙真安得不度

隱太和山

洪武初祖師入太和山於玉虛宮畔結菴冷坐菴前古木五株陰連數畝雲氣滃然故嘗棲其下猛獸不噬鷲鳥不搏人咸異之衲衣垢弊皆號為邈邈張有問其仙術竟不一答問經書則津涎不絕口登山輕捷如飛隆冬臥雪中斲斲如雷常語太和鄉人曰茲山異日當大顯道士邱元靖叩其出處始識為三丰祖師請為弟子遂傳以道妙

道藏輯要

三丰全集 顯蹟

三五 續畢集七 川文

得真種子潛修密煉至丹成果熟寒暑不能侵陰陽不能賊縱橫自在來去隨心方為實際如三丰者所當景仰

寄常遇春

洪武二年己酉六月常遇春進攻大興州直拔開平追奔數百里大獲全勝遂清薊北秋七月師次柳河州遇春得疾謂眾將曰予生時有老翁至門付一函云煌煌尾宿矯矯虎臣和中遇主柳下歸神前日張真人三丰自五臺寄書又是此數字今至柳河州而病吾其逝矣尋卒於軍年三十四去年戊申帝初即位亦嘗欽問四十二代天師張中虛曰北征如何天師曰朝廷有福大將歸真